

Modimo o bitša batho ba gagwe gore ba sokologe ka go kgopela tumelo ya melawana ya moloko wa Rahaba.

Thero mo Jeremia 35:12-14

Palo ya Beibele: Jeremia 35

Temanathero: Jeremia 35:12-14

Ana tsamaišo ya kereke mabapi le tšhomišo ya bojwala? Go na le dikereke tše dingwe tšeo di sepelago ka molao, mabapi le go šomišwa ga bojwala nakong tšohle. Bojwala ke selo seo se le belegago e le sebe. Go o le moKriste wa nnete, yo a sokilogilego, ga o sa šomiša bojwala. Ka letsogo le lengwe go na le dikereke tše dingwe tšeo di sa ganetšego tšhomišo ya bojwala, gomme o tla humana gore le baruti ba bona ba ineetše bojwala. Empa ana tsamaišo ya kereke ye ka bojwala ke efe? Mo kerekeng ye re lebelela kudu dilo tšohle ka botlalo o ya ka mo Beibele e bolelago ka gona. Thato ya Modimo e ngwadilwe ka mo gare ga Beibele. Ge Beibele a ganetša selo, gomme kereke le yona e tlile go se ganetša. Ge Modimo a sa ganetše selo ka mo Beibeleng, le kereke a ka se dire bjalo. Kereke e nyaka go sepele go ya ka melao, molaetša ya Beibele fela. Go sa oketšwe, go sa fokotšwe. Go lebelela se ka ga tšhomišo ya bojwala, ka mo Beibeleng ga re humane Modimo a ganetša tšhomišo ya bojwala. E bile mohlolo wa mathomo wa Jesu e be e le go fetola meetse a dire bojwala. Empa Modimo o ganetša tšhomišo empe ya bojwala, go ipha bojwala. Bjalo ka ga dimpho tše dingwe tša tlholo, re laelwa go šomiša bojwala ka maitemogelo.

Mo temaneng ya rena re bala ka ga bojwala. Ditaragalo tša mo temaneng ya rena di diragetše mengwaga e lesome pele ga tshenyego ya Jerusalem a ka 586 pele ga Kriste (BC). Ke nako yeo baBabilona ba bego ba tšhošetša batho ba Modimo. Go fetiša ga tee baBabilona ba ile ba tsena motseng wa Jerusalema ba leka go o tšea ka kgang. Jerusalema e ile ya gana, gobane batho ba be ba lebeletše go humana thušo go tšwa go baEgipeta. Le ga go le bjalo pitso ya boporofeta Jeremia mo dibakeng tše e be e le go bolela le batho legatong la Modimo gore ba se bee tshepo ya bona go baEgipeta, gobane Modimo o be a beakantše gore o tlile go iša batho bothoposa, kudu ge ba tšwela pele go phela ka mokgwa wa bona.

Mo dibakeng tše Jeremia o ile a laelwa gore a lebiše bophelo bja batho go setšhaba sa baRahaba. Re bala ka ga moloko wa Rahaba gape mo Beibeleng (2 Dikgoši 10:15). Tatagobona e be e le Jonadaba. Jonadaba e be e le monna wa bohlokwa, e be e le mogakolli wa mmušo wa kgoši Jehu. Rakgolokhukhu o ile a tšea melwana e se mekae gore e latelwe ke ba moloko wa gagwe.

Mo matšatšing a Jeremia e be e k aba mengwaga e makgolo a mararo Jonadaba a robotše, moetapele wa leloko le, ba moloko wa Rahaba e be e le ba bangwe ba ga Jaazaniah. O ile a bitšwa ke moporofeta Jeremia gore a tle le batho ba gagwe mo tempeleng ka thoko yengwe. Jeremia ka boyena e be e le moperisita, gomme tempele e be e le lefelo leo le tšebegago go yena. Gomme go na mo ka mo phapošing ka taelo ya Modimo o ile a swanelwa ke gore a ba nee bojwala. Empa, ge re bala, ba moloko wa Rahaba ba ile ba gana, ba be ba sa nyake go fapoga molao wa tatagobona Jonadaba yo a ba filego ona: sa mathomo go kgaugana ka moka le bojwala. Gobane rakgolokhukhu yo Jonadaba o ile a laela ba leloko la gagwe gore ba sepele go ya ka tsela ya gore ba se age mengwako. Seo se ra gore ba be ba sa dumelelwe go dula ka gare ga mengwako. Ba be ba swanetše go phela ka gare ga ditente. Ba be ba sa dumelelwe gore ba leme mašemo, e ka ba go kotula, goba go bjala merara, goba go ba le diphahlo. Go fetiša mo, ba be ba sa dumelelwe go nwa bojwala.

Ga re hlaloganyeng, gore ba moloko wa Rahaba e be e se batho ba go tšwafa, e be e le badiši, gomme ba dira ka maatla go hwetša letšeno. Gomme gobaneng bophelo bja bona bo be bo fapana le bja balsiraele? E be e le ka lebaka le: rakgolokhukhu wa bona Jonadaba o be a dumela gore go ba le mengwako le diphahlo le mašemo, le go šomiša bojwala go be go senya motho ka boyena. Yo a nago le tše dintši, o wela melekong ka pela, goba le maemo a godimo, gomme ka

tsela yeo o lebala bophelo bja modumedi ka pela, gomme Jonadaba a gokela ba leloko la gagwe mo bophelong bjo. Yo mongwe a ka rata maitshwaro a Jonadaba le ba leloko la gagwe la Rehaba. Le ga go le bjalo, lebaka ke gore Jonadaba o iteretše melao a e bea godimo ka leloko la gagwe go feta ka mo Modimo a neilego batho melao. Modimo ga se a ganetša batho ba gagwe go šomiša bojwala. Empa Modimo o be a lebeletše go tšwa go batho ba gagwe gore ba phele bophelo bjo bo botse mo pele ga gagwe, e sego go šomiša dimpho tša gagwe bošaedi, e sego go ipha tšona go fetiša, gomme e sego go thoma go tshepa dimpho go fetiša yena.

Bjalo ka ge ke boletše, ba moloko wa Rahaba e be e le batho ba go dula ba sepela. Ka ditente tša bona ba be ba dula felo go tee gomme ba fetele pele. Le ga go le bjalo, mo lebakeng le, ba be ba sa dule mo ditenteng tša bona, empa ba be ba dula motseng wa Jerusalema. Ba ile ba gapeletšwa gore ba tlogele tsela ya bona ya go phela ka lebaka la bahlabadi ba kgoši Nebukadnezara, ba dira gore lefase la bona le se bolekege. Nakonyana fela ba ile ba tšhabela Jerusalema, gore ba šireletšege mo manabeng. Le ga go le bjalo, ba ile ba tšwela pele ka molao wa go se šomiše bojwala.

Gomme go akaretša, ba moloko wa Rehaba ba ile ba obemela tatagobona Jonadaba, le ga e le gore monna yo o ile a robala mengwaga e makgolo a mararo ye e fetilego. Ba ile ba hlompha rakgolokhukhu wa bona, ka bo bona ba ile ba se šomiše bojwala gomme ba phela bophelo bja go fapana le bja ba bangwe.

Bjale ka ge ke boletše, moporofeta o ile a laelwa ke Modimo gore a tšee ba moloko wa Rahaba a ba tliše tempeleng gomme a ba nee bojwala ba nwe. Gomme bjalo ka ge yo mongwe a ka holofela ba ile ba gana go nwa bojwala, lebaka ke gore: tatagorena Jonadaba o re ganetša go dira bjalo.

Ga go makatše gore seo Jeremia a bego a se dira se ile sa biletša mahlo go yena. Gomme Jeremia o ile a laelwa ke Modimo go re a bolele le batho bao ba lego gona, a ba laletša gore ba bapetše maitshwaro a bona le a ba moloko wa baRahaba. Lebelela fela gore tumelo ya ga moloko wa Rahaba go ya ka mo rakgolokhukhu wa bona Jonadaba a ba laetšego, le ga go le bjalo e be e le motho fela gomme o be a šetše a robotše mengwaga e makgolo a mararo ye e fetilego! Empa lebelela fela gore lena ga le dumele go Modimo bjalo ka batho ba gagwe le melao ya gagwe ya boModimo, le ga go le bjalo o sa phela, gomme o rometše nako le nako baporofeta go biletša batho ba gagwe gore ba sokologe ditšelang tša bona tše kgopo. Ge batho ba ka be ba obametše melao ya Modimo ka botlalo lebaka la bjale le kabe le se le lebe bjale.

Ka tsela ya Modimo o šomišitše ba leloko la Rahaba go ba bjalo ka dipaki tšeo di phelago lebakeng la gore ga go na seo batho ba ka se bolelago go ya ka maitshwaro a bona. Go sa lebeletše baporofeta ka moka bao Modimo a ba rometšego, batho ba ile ba tšwela pele ka go thathafala ditšelang tša bona, ba sa lebelele melao ya Modimo ka bohlokwa.

Molato wo ba leloko la Rehaba ba swanetšego o tsebatša go batho o bohlokwa ge re lebelela seo se latelago. Bjalo ka ge ke boletše, Jeremia ka boyena e be e le moperisita, gomme o be a na le sebaka sa go etela ditempele tše di fapanego. Empa seo se bego se sa tlwaelega ke gore baperisita ba be ba enwa bojwala ka mo gare ga diphaposi tša tempele. Gobane Modimo o be a laetše mo molaong (bala Lefitiko 10:9) gore moperisita ga a dumelelwe go nwa bojwala ge a le mo modirong. Baperisita ba be ba sa dumelelwe go dira mešomo ya bona ge ba le ka tlase ga bojwala. Le ga go le bjalo, go bonagala gore baperisita matsatšing a Jeremia ba be ba sa obamele molao wo. Gomme ka go bolela gabotse, go ya ka bona molao wo wa Modimo o be o se thata.

Nagana fela ge Modimo a ka be a ganetša batho ka moka ba gagwe gore ba se ke ba nwa bojwala, bophelo bja bona ka moka – seo motho a ka re ke molao o thata. Empa lebaka la gore Modimo o be a lebeletše gore baperisita ba se ke ba šomiša bojwala ge ba phethagatša mešomo ya bona mo tempeleng, seo se na le hlaloganyo. Empa le ge go le bjalo baperisita mehleng ya Jeremia go bonagala gore ba be ba senyegile. Go a bapetša ge Jeremia go sa lebeletše a fihla mo tempeleng

le ba leloko la Rahaba batho bao ba bego ba sa šome mo tempeleng, gomme ka morago Jeremia a ba nea bojwala, ba gana, ga bonolo empa ba tlišitše! Go a bapetša! Selo seo re ka swabago ka sona! Gomme sona seo e be e le maikemišetšo a Modimo. Ka lebaka leo o ile a laela Jeremia gore a sepele mmogo le ba leloko la Rehaba. Gore baperisita ba tempele le batho ka moka bao ba lego gona, ba tle ba hlabe ke dihlolong!

Baetapele ba moloko wa Rehaba ba be ba le gona, ge Jeremia a bolela le batho. Ba ile ba rata kudu ge ba bona ba humana tšhegofatšo go tšwa molomong wa moporofeta: temana ya 19: 'se ke seo Morena wa masaba, Modimo wa Isiraele, o re: Jonadaba morwa wa Rahaba a ka se ke a wela fase gore a humane monna a ntirele.' Maikemišetšo a: go direla nna, seo se le bile go mošomo wa baperisita mo tempeleng. Se se na le khuetšo, ge yo mongwe wa leloko la Rahaba a ka be a sa tšwe go ba leloko la Lefi. Yo mongwe a ka re, mo porofetong ya gagwe re šetše re ekwa modumo wa Testamente e Mpsa – moperisita bja badumedi ka moka. Ka nnete, tšhegofatšo e botse mo go ba moloko wa Rahaba.

Le ga go le bjalo, go batho ba gagwe ka moka ka nako yeo Modimo o be a se na tšhegofatšo, empa kgalemo ye bohlokwa. Modimo o tlišitše ba moloko wa Rahaba mo tempeleng, gore a hlabiše baperisita dihlolong. Se ke mohau wa Modimo, gore o tšea maatla a mogolo go bušetša batho ba gagwe mo tšeleng ya nnete. Ge o ka bala puku ka moka ya Jeremia, o ka se humane diporofeto le dikgalemo, empa o tlile go humana gape le dika tše dintši. Mediro e maleba yeo Jeremia a bego a swanetše go e phethagatša go bušetša batho gore ba kwe molaetša. Mohlala ka nako yengwe o be a swanetše gore a tšee seaparo, gomme a iphihle mo legageng mo thoko ya noka ya Euphrata. Ka nako yengwe o be a swanetše gore a etele ntlo ya mmetli, gore a bonagatše molaetša wa gagwe ka mošomo wa mmetli. Mohlala o mongwe e be e le gore o be a swanetše go reka pitša ya letsopa, gomme o be a swanetše go ithuba pele ga mahlo a batho. Ka nako yengwe o be a swanetše go sepela matšatši a goga joko mo molaleng. O a bona, dika tše dintši tšeo Modimo a bego a di dira go kgalema batho ba gagwe.

Lehono Modimo o a re kgalema le rena. Ke ka kgaugelo ya gagwe yeo e dirago gore a re kgaleme. E sego fela ka thero, empa le mo bophelong letšatši le letšatši. Nakong yengwe Modimo o šomiša batho bao re ba solago go re kgalema. Matšatšing ao ba moloko wa Rahaba ba be ba lebelelwa bjalo ka batho ba maemo a tlase. Balsiraele ka bo bona ba be ba ipona e le ba bohlokwa go ba fetiša. Empa Modimo o kgethile bona gore e be mohlala go batho ba gagwe ka moka! Mohlomongwe Modimo o tlile go dira seo gape lehono! Ana ga go nako yeo, o iponago o hlalefile gobane o nwa go fetiša batho ba bangwe, ana ga go nako yeo o sepelago go ya ka tsela ya ba moloko wa Rahaba? Goba o tšea ka mohlala wa bona gore o kgaugane le dilo tšeo ka moka? Mohlomongwe ke nako ya gore o tle gomme o eme. Ana o diriša tokologo ya gago go direla Kriste? Goba o ipha tokologo ya gago o itshenya ka bona, ba lelapa la gago, le ntlo ya gago? Ana o šomiša mogolo wa gago mafelelo a beke go ya bojwaleng? Ana o nwa tšhelete yeo o be o swanetše gore o rekele bana ba gago dieta, dipuku tša go bala le tše dingwe tša go ngwala gore ba tšwelele sekolong? Ana bophelo bja gago bo lebega bo lebjang? Ana o hlwekile, e sego kantle fela, empa le ka gare? Ana o apere gabotse, e sego kantle fela, empa le ka gare?

Modimo o be a le mogau, gomme a romele ba leloko la Rahaba go kgalema batho ba gagwe. le lehono Modimo o sa na le kgaugelo, gomme ka tsela yeo o a go šikinya gore o tsoge. Bjalo ka mehla ye e fetilego lehono o romela baporofeta ba gagwe, ba reri. Ba tla ka molaetša o lebanego le wena. O tšee o iše bophelong. Hlabolla bophela bja gago. laetša lerato la gago go Mophološi.

Amene.